

# Galicia Encantada



ANIVERSARIO  
2005 \* 2025  
Enciclopedia de Fantasia Popular de Galicia

## Literatura oral

### *Cantigüelas de Bergantiños ( V )*

Eu casar ben me casaba,  
recelar ben o recelo :  
eu sei a vida que teño  
pero non sei a que levo.

Se o casar fora de un día  
ou tan sequera de un ano  
pero el de para sempre  
Dios nos teña de su mano.

Non penses porque te miro  
que é porque che quería a ti :  
aínda me lumbren os demos  
senon me río de ti.

Fun ó muíño con Paula,  
fun ó muíño con ela ;

fun ó muíño con Paula,  
fun en pas e vin en gherra.

Fun contigo ó muíño  
e non sei se volverei :  
querías aquelas cousas  
que ti sabes e eu sei.

O vello perdiu á vella  
no carreiro do muíño.  
Agora anda chorando  
polo seu aparelliño.

O vello e máis a vella  
ordenaron de cocere :  
tiñan a leña no monte,  
a fariña por moere.

Din que os vellos non valen  
para facer certos traballos  
e inda o demo os atenta  
de meterse en fregados.

Era unha vella de oitenta,  
o vello de oitenta e dous...  
Tiñan gaña de cereixas  
¡e xuntáronse os dous!

Pensades de me olvidar,  
metínche as pallas nos ollos :  
o día que me olvidaches,  
xa tomei amores novos.

Desde aquí vexo, vexo,  
vexo as areas do mar ...  
tamén vexo os meus amores

e non lle podo falar.

O amor da costureira  
era papel e mollouse ...  
agora costureiriña  
o teu amor acabouse.

Eu cantar, cantaba ben,  
a gracia non era moita,  
quedoume no lavadoiro  
cando fun lavar a roupa.

Costureiriña bonita,  
lévame os bois a beber, e  
pola nai que che pariu,  
volverasmos a traere.

Costureiriña bonita,  
dame unha agulla de prata  
para quitar unha espiña  
do corazón que me mata.

Aí vén o aire do mar,  
aí vén o aire mareiro ;  
aí vén o meu queridiño  
vestido de mariñeiro.

O meu amor xa me dixo  
que nunca me olvidaría.  
Eu tamén lle din palabra  
para toda a miña vida.

O arrieiro das nenas  
vén de tres en tres semanas :  
se naquel tempo non lles vén,  
xa lle din que están preñadas.

A muller do Tío Laranxo  
amais outra galdrapeira  
meteron ó teu laranxo  
debaixo da laranxeira.

Moito viva, moito viva  
San Paio de Vilacoba,  
moito viva, moito viva  
na súa capela nova.

[Recompilación de Luis Antonio Giadás Álvarez, de Ponteceso (A Coruña), na bisbarra de Bergantiños,  
remitida en xuño de 2009]